

Belanjawan 2025:

RHB IB anggaran perbelanjaan pembangunan RM90 bilion

KUALA LUMPUR: RHB Investment Bank Bhd (RHB IB) menganggarkan perbelanjaan pembangunan bersih kira-kira RM90 bilion dalam Belanjawan 2025 berikutan Malaysia memasuki tahun akhir Rancangan Malaysia Ke-12 (RMKe-12).

Dalam nota penyelidikan semalam, katanya kerajaan mempunyai 'sedikit ruang untuk lebih' berikutan kewangan awam adalah 'ketat'.

Ia menjangka Belanjawan 2025, yang akan dibentangkan pada 18 Oktober ini, mengandungi elemen merangkumi kehematan fiskal, sokongan kepada segmen berpendapatan rendah, komitmen terhadap pembaharuan dan kejelasan mengenai inisiatif untuk meluaskan asas cukai.


"RHB Economics mengunjurkan sasaran defisit fiskal 2025 sebanyak 3.5 peratus berbanding-

ding-sasaran 4.3 peratus pada 2024," menurut RHB IB.

Pelan Induk Kerjasama Awam-Swasta 2030 yang baharu akan menyokong keseluruhan perbelanjaan infrastruktur, membantu mengurangkan risiko dan mengoptimumkan kos.

RHB IB menjangka peruntukan Belanjawan 2025 untuk subsektor pengangkutan daripada jumlah perbelanjaan pembangunan 'akan lebih tinggi daripada 21.3 peratus atau RM19 bilion yang diperuntukkan untuk 2024' berdasarkan potensi projek berkaitan pengangkutan.

Ini termasuk Lebuhraya Pesisir Utara Sarawak, baki fasa Lebuhraya Pan Borneo, pembangunan semula KL Sentral, Lebuhraya Putrajaya-Bangi, Lebuhraya Penyuraian Utara KL, Lebuhraya West Ipoh Span Expressway dan Aliran Transit



LEBUHRAYA Pesisir Utara Sarawak, baki fasa Lebuhraya Pan Borneo antara projek yang akan terus menjadi tumpuan dalam peruntukan Belanjawan 2025.

Automasi (ART) bertingkat di Johor Bahru.

Sementara itu, ia percaya mekanisme pembiayaan Mass Rapid Transit (MRT3), pusingan terkini untuk anggaran kos dan sama ada mengemukakan tender baharu diperlukan berdasarkan tempoh sah tender MRT3 tidak dilanjutkan selepas Mac 2024.

Menurut bank pelaburan itu,

MRT Corp sedang menjalankan sesi pemeriksaan awam dari 2 September hingga 2 Disember untuk mengumpul maklum balas mengenai cadangan penajajaran rangkaian MRT3.

RHB IB memberikan penarafan 'wajaran tinggi' ke atas sektor pembinaan berikutan kontraktor berada dalam keadaan yang baik. Mereka dapat me-

ningkatkan kemajuan dan menerima kontrak baharu berikutan terdapat penawaran buruh yang mencukupi dan kos bahan yang boleh diurus.

Pilihan utama 'Beli' RHB IB ialah Gamuda dengan harga sasaran (TP) sebanyak RM9.68, Kerjaya Prospek (TP: RM2.57) dan Sunway Construction (TP: RM5.50). - Bernama